

蛟峰方先生集序



制科所以待異材也而倫魁之選又  
其材特異者始畀焉然材易見  
難知也故宋有神文特慎是選廷試  
前一日取首卷焚香祝曰願得忠孝  
狀元洎唱名乃鄭獬也非以行為難  
知而乃有待於祝而後定乎淳安蛟



峰方先生登淳祐十年進士第一初  
名夢魁御更逢辰授平江僉判繼入  
館閣又進以提刑勸農之任而先生  
何止乎此不得以次登玉署拜黃麻  
以展其材蓋先生直言勁節著於當  
世初以父命力請歸送祖塋及其後  
也雖度宗欲大用而沮於似道退不

復起而運更物改遂以義終其視鎮  
孫含耻過嶺北而卒夢炎復恬然相  
元而說文山者忠孝何有哉寶祐間  
授先生誥謂中興倫魁以九成十朋  
為稱首謂先生慷慨能言凜然有其  
氣而獬不預也又何哉豈天生材係  
乎時運所關非有待於祝乎抑所祝



者全忠孝大節以為家國光也不係  
其時顯晦乎先生七世從孫中舉天  
順丁丑進士擢令玉山嘗得諸族所  
采詩文為蛟峰先生集茲復累當時  
勅誥并存沒所贈詩文為蛟峰外集  
蛟峰先生所居龍山也千載而下稱  
魁宋可與文山相高者蓋唯茲山而

况先生有弟逢振登進士歷翰林國  
史實錄院檢閱宋亡歸與學者講道  
于石峽因稱曰山房先生其文學第  
義亦足與先生相高于一時至今子  
孫世出其下而顯者咸倚之以為高  
焉西江大叅輔其六世從孫也得遺  
文一二托玉山附蛟峰集後以傳予



故因玉山請而併以此序于簡首  
天順七年癸未冬十月既望  
賜進士翰林侍讀學士奉直大夫直  
文華殿賜一品服東吳錢溥書



蛟峰集目錄

卷之一

申狀奏劄

辭建狀元樓申狀

再辭前職劄

再乞祠劄

乞假歸里劄

乞假劄

出關後乞假劄

展假三月劄

辭燕國史實錄院校勘劄

乞祠劄

三乞祠劄

再乞假歸里劄

再乞假劄

抵家乞寬假一月劄

為疾再展假劄



辭著作佐郎劄

乞改正理還劄

辭免司封郎官劄

辭兼直舍人院奏

辭兼直舍人院劄

辭起居舍人奏

辭起居舍人劄

討信州闕軍待罪劄

乞討信州軍功推賞劄

辭免誅勳闕軍轉官劄

江東提刑一考丐祠劄

辭免江西轉運副使劄

卷之二

書

上理宗書

上廟堂書

與廟堂書

達嚴郡守書

回馬總領書

與包宏齋書

與寶慶夙宮教書

回吳退庵書

薦洪尉書

薦王新班書

與趙端明書

回趙端明書

通方宮使造黥侯祠書

答何毅齋求薦書

達朱南山制置書

達趙都大書

達李提舉書

賀盧可庵鄉舉書

答吳是齋書

賀盧可庵赴春官書



回賀何正書

回盧可庵書

與吳是齋書

達宋雲叟薦毛伯明書

荅盧可庵手帖書

送物與陳丞相書

遣花粉禮往項宅書

回魯國正謝銘書

回魯國正爭妓書

回盧可庵饋物書

達王翠麓薦毛伯玉書

回洪司理為親壽書

送物與盧可庵書

卷之二

啓

賀董矩堂啓

賀何提幹啓

賀王僉樞啓

賀胡殿院啓

賀程僉樞啓

賀丁司諫啓

與吳守啓

賀邵正言啓

回趙少保啓

回鎮江徐總啓

回王檢閱啓

回南班冬啓

回徐總啓

回西倉送酒啓

回皮嘉興啓

回南班正啓

回詩秘書送物啓

回王漕賀新除啓

回安吉楊守啓

又回楊守送重午啓

賀吳是齋弟中鄉試啓

賀何梅境入太學啓



賀何曾六丈得鄉第啓

賀余吉甫升學啓

賀人中鄉試啓

賀同年中鄉舉啓

賀周幾堂請舉啓

賀吳是齋入室啓

賀能和尚生日啓

回人請啓

方聘陳啓

方聘何啓

卷之四

序

嚴州新定續志序

雲塔序

橫城義塾序

誠齋文贈集序

邵英甫詩集序

汪君明詩

汪稱隱松蘿詩集序

洪茨岩詩序

林霽山詩集序

胡德甫四六外編序

林上舍體物賦料序

周月潭詩序

名物蒙求序

卷之五

記

嚴陵浮橋記

天邊風露樓記

勤有堂記

芳潤堂記

青溪縣備學記

思堂記

贛州興國先賢祠堂記

常州路重備儒學記



徐義士旌門記

卷之六

絕句

題天邊風露樓

題敬簡軒

贈數學尹異

題吳氏梅堂

問天

天對

贈墨士翁彥卿

贈風鑒曹老眼

送胡兄遠遊

贈月心

贈大佛老子賣藥齋僧

贈南山寄傲軒

贈相者

贈梁電目

律詩

慶明堂禮成

和劉府判

和張寓軒題孤山二首

挽周府君袁夫人

挽尚書余公二首

挽吏部趙公

被召自賦

贈熊隱

題何潛齋安樂窩

頌徐可大減稅得請

石峽山茶盛開二首

古體

餞吏部陳大著赴鎮贛州

餞判府國史直講秘書赴鎮南劍



和愈亭子夾谷之奇韻

送潘翠谷

贈術士劉衡鑑

贈星命舒雲峯

題盧文峰十一知丞文集

挽鄭直齋居士

贈楊內舍景堯封股

贈五星陳東楚

題跋

青陽方氏義聚跋

跋洪智堂地理心機

書呂首之玉京勝槩圖後

題薛上舍集

題梅騷後

題方景說出家疏簿

題家狀籍

雜體

田父吟

猩猩歌

雞雛吟

南康遇雪

上梁文

題家狀簿

題賣試卷引

又

卷之七

謂義石峽書院

子曰賢哉回也一簞食云云賢哉回也

子夏曰日知其所一可謂好學已矣

齊景公問政於孔子孔子對曰君君臣臣父父子

子云云吾得而食諸



子貢曰夫子之言性與天道不可得而聞也  
子罕言利與命與仁  
子曰惻隱之心仁之端也  
云云  
智之端也  
公孫孟子道性善言必稱堯舜  
文  
孟子曰盡其心者云云則知天矣  
景春曰公孫衍張儀豈不誠大丈夫哉云云  
威武不能屈此之謂大丈夫

孟子曰凡同類者舉相似也云云我心之所同然

耳告子

孟子曰仁也者人也合而言之道也又曰仁人心也

乾稱父坤稱母云云民吾同胞物吾與也

### 策

周禮卿大夫之職受教法於師云云疾者皆舍

### 論

禮法之大分如何

### 策題

問武將舊將儒將福將

問牲藥灌

問中庸妖孽之見動與夫天妖人妖將何術以祛

### 碑



唐侍衛都指揮使王押衙大尉碑

行狀

宋知郡寺丞俞公狀

墓誌銘

恭人邵氏墓誌銘

翠坡先生方母安人潘氏墓誌

童會卿墓銘

蛟峰集目錄畢

蛟峰集卷之一

申狀奏劄

辭建狀元樓

其照得本縣見差修造司打量基址欲議建樓問之則曰  
為某設也此固是鄉邦勝觀賢令尹之盛心於某何辭然  
某為見田里嗷嗷縣庭烈烈某自束髮讀父書便以致君  
澤民自任每觀后稷視天下饑由已饑之伊尹見一夫失  
所若已推而納之溝中作而嘆曰彼何人也某仰蒙

聖渥塵忝甲科則又將以致君澤民之責自任矣爰自期  
集來歸閉戶焚香置書一卷將前賢事業日夜討論將天



下利害日夜靜思求所以報君父而慰蒼生豈有慮周四海而不及父母之邦乎且淳之為邑吏猾民貧斧斤之餘元氣有幾遭霜之葉不可以風毒民之尤莫如里役一人之身責之警捕責之風火責之橋道責之替賦責之追會文移如山欲其頃刻為之俵散卒徒如雲欲其倉卒為之喚集拋買不時欲其質田買屋而為之償納縣道倚之如命脉而使之如奴隸取之如外府嫉之如仇讎自去年創置白納旬解錢米誰生厲階其禍最深克一月之役掃其家資之半克數月之役者其家掃地矣賢令尹下車之初首聞明榜罷此弊例一邑聞之為之鼓舞曾幾何時罷而

復行邇來鄉之父老過門者曰子聞保司白納旬三百典盡妻兒無筆畫之詩乎曰未也子聞齷標八九十年同百萬豪家一夜空之詩乎曰未也子聞縣家建樓之議乎曰嘗聞之矣父老勃然告曰樓則聞而田里咨怨則不聞蒼生何賴於子某竦然下拜曰某之罪也旦夕當請于賢令尹以造樓之費少紓保司白納之禍此舉於某無益於賢令尹有益其從與否某雖不敢必若樓則決不容於不罷惟高明實利圖之須至申聞者伏乞照會謹狀

辭兼國史實錄院校勘

是時兼史之命非出於謝相之本心而出於諸公之列薦所以屢辭而後拜命

具階方某狀照對某五月一日伏准省劄備奉

聖旨令



某兼國史實錄院校勘速為撰述與服志某伏領指揮益  
重悚惻切念某種學罔工績文尤拙昨來兩被公朝劄命  
俾某撰述上件史志某所以敢於干冒銖鉞一再繳還劄  
命者蓋某自揆力不能堪兼進呈期限已迫使某臨時苟  
簡修纂懼必有踈繆故也茲忽被 宸命華以兼職是益  
置某於坐針負芒之地愈無可以奉承之理如此則是某  
度德量力之本心轉而為干禁覬進之私意公朝縱不以  
是而加譴某獨不自愧於心哉所有與服一志容某一面  
用功外有校勘職名在某斷斷不當祇受省劄當用繳還  
欲望公朝察其拘儒自守之本心特賜敷奏收回成命所  
有纂修之書仍乞少寬月日容某繕集以副公朝眷委之  
盛心伏乞指揮施行申聞事

再辭前職

具階方某狀照對某再准省劄備奉 朝旨令某不必避  
免國史校勘職名仰見公朝眷寵之美意緣某自揆前日  
之辭今日之受兩有抵牾於義斷斷不安而公朝但欲國  
史成書在某敢不任責其於纂修則不敢辭所以上無涕  
於公朝於職名則不敢受所以下不背其初志然某不欲  
其文辭避頓瀆寧嚴除已將省劄寄留秘書省國史庫不  
願被受供職外伏乞照會申聞事



乞祠

具官方某備員館職絲粟罔功蚤夜思之每懷兢惕雖  
聖朝包荒未賜汰斥然其實甚愧之近忽於六月七日得  
冒暑之疾繼以寒邪衝之至下旬僅僅小愈又因入局及  
行香出入再冒暑毒加以洞泄又緣前來發散過多遂至  
不能支持此間醫者用藥多不相投若非急歸私家尋醫  
必致狼狽欲乞公朝特賜敷奏畀以祠祿早還私家以便  
醫治伏乞指揮施行申聞事

再乞祠

具官方某狀照對某昨以病勢危迫具稟 朝廷丐一祠

闕以歸山林繼准省劄備奉

聖旨不允某仰見天地包

荒之仁心切念某至愚極陋此病且危愚陋而久留則徒負  
素餐之羞病危而不去則立見殘喘之感况某始因暑毒  
繼感寒邪腸胃虛鳴水穀不化異證捷出生意甚微一官  
雖卑館閣豈是養病之所二親在遠庭闈益重惟疾之憂  
坐館閣而病是已曷官遺庭闈以憂又為不孝凌兢跼地  
危迫籲天欲望公朝特賜敷奏曲回造化陶鑄一祠稟差  
道俾得與疾急還私家以更醫治實拜隆天厚地之造渙  
至稟聞者伏候指揮施行

三乞祠



具官方某昨兩以病勢危殆祠再准省劄備奉 聖旨指揮  
不允許令給假將理仰見天地曲全之造第緣某才鈍如  
稚福薄如紙一身值坎壈之厄數口有迫邇之灾迺者七  
月十一日又有詆擯之戚况焉萍梗困于疾藥造物之所  
以警不謹而罰曠療者莫慘于此苟不急歸是為樂禍又  
况久焉伏枕館閣非卧治之地 欲望公朝曲回造化特  
賜敷奏陶鑄祠廩一闕俾得輿疾速歸不然乞除程三月  
俾得暫還私家以便醫藥實拜二天更生之賜伏候指揮

乞假歸里

具官方某狀照對某一介書生備員百僚底尸素三年邇

無分毫補報造化包荒未加汰斥比自六月以來一病幾  
至狼狽三上祠祿之請公朝未察其真而未曲全其去但  
某昨來病中自知決不可不歸所有禦冬之具一縷不存  
而二親年耄已先奉歸鄉而某僅以隻身留此二親在遠  
日夜所以望某之歸者甚切兼某昨有先祖襄事封於淺  
土近方卜地將以初冬遷厝某此而不歸是為非孝欲乞  
公朝特賜敷奏陶鑄一在外待次小壘差遣或予祠或給  
假三者之中乞畀其一實拜二天之造伏候指揮施行  
再乞假歸里

具官方某狀照對某昨得父家書以十月上旬遷葬先祖



促其急歸赴葬事某已即具申朝省乞給假或補外或  
祠俾得速歸以赴大事而公朝未察其心未賜俞允切念  
某為先祖之嫡長孫豈有祖塋而長孫留戀官職不急  
赴者乎揆之天理人倫大有所拂欲乞公朝特賜敷奏  
與給假兩月俾某得急歸以全孝心此亦天理人倫之  
須至申聞者伏候指揮施行

乞假劄子

某切謂臣子之大節進退而已進以禮退以義禮主乎辭  
遜義主乎剛決故曰三揖而進一辭而退若當決不決而  
濡滯乎進退之間則失其所守矣某等不才業已貫舟江  
海挑包即行但未得朝旨未敢輕動欲望鈞慈曲轉造化  
於假狀尾特賜鈞判且與給假暫歸若萬一續與在外差  
遣則未為晚庶幾某等可以曲全進退之節不然要君之  
罪將無所逃於天地之間何以立身乎立伺指揮下情無  
任悚仄戰汗之至

再乞假劄子

某不避鈇鉞之誅輒伸輪困之懇某一介不才備數館辰  
三年尸素覲面凌兢屢上丐外丐祠丐假之請疊奉指揮  
不允緣某近得父家書以先祖營葬之事促令丐外急歸  
甚峻某切謂君父之命一也不俟君命而先去固為不忠



久違父命而稽留又為非孝欲乞公朝察其真情特賜  
奏檢會考功郎中洪敷例特與在外小壘差遣或照監丞  
呂中例特給假三月容某急歸以承父命以赴祖葬實  
公朝錫類無邊之仁某干冒鈞嚴下情無任俯伏俟  
命之至

出關後乞假

具官方某狀照對某昨得父家書促歸赴先祖葬事疊上  
丐假之請未蒙公朝察其真情某今日十二日又得父書  
促歸尤峻某切念君父之命一也不俟君命而先去固為  
非忠久違父命而稽留尤為非孝况某於先祖係嫡長孫

若祖有葬而孫不赴豈不拂人倫而害天理兼國子丞只  
中考功郎中洪敷近以弟赴兄葬兄赴弟葬俱蒙

朝旨或給假或補外况某嫡長孫之於祖乎今緣卜期既  
迫難以稽留除已於十月十三日冒急出關以俟  
朝旨外欲乞公朝檢會某前後所陳及照監丞呂中考功  
洪敷近例特賜敷奏或給假或予祠實拜陶鑄之賜伏乞  
照會施行伏候指揮

抵家乞寬假一月

具官方某狀照對某今日十七日午時伏准秘書省牒繳  
示省劄二通備奉 聖旨俾某兼莊文府教授及奉



玉音促令某回省供職等事某切謂臣子之道忠孝所貴  
於兩上進退不可以中止某昨以父命促歸赴祖葬事屢  
控於朝乞假乞外未蒙賜允然卜期既迫父命尤峻只得  
丐假于朝冒急馳赴今晨夜兼程於此月十六日已抵于  
家方將再上寬假之請敢謂 九天震威惓惓於一螻蟻  
由賜追還之命某感恩入骨雖死不忘但某為親乞退又  
難中變而為進若以退為進則要君為不忠背父為不孝  
實為名教之罪人欲乞公朝特賜敷奏少寬給假之期俾  
了得先祖葬事然後奔赴公朝俯伏俟命所有兼莊文  
府教授省劄寄秘書省庫併俟某假滿日赴省被受供職

實拜二天之造伏乞指揮照會施行

展假三月

其官方某狀照對其一介螻蟻為親丐歸自知瀆犯雷霆  
罪在不赦 聖度天寬曲賜涵貸伏准十月二十二日省  
劄備奉 聖旨給假一月某露香東面再拜感激垂涕以  
告於二親曰此 聖天子至仁如天必使天下歸仁而皆  
得以遂其仁而不遺其親之心也天地之大未知所報某  
嘗觀先朝趙汝愚為著作丐祠未許以祖母大事即日自  
劾而歸仰值 孝宗皇帝孝治寬洪就許畀外而釋其罪  
今某恭覩省劄天涵地育曲賜予假雖某之妄庸不足以







死... 小堪事之譏欲乞改畀在外小小差遣俾得稍自  
... 又報伏乞公朝特賜敷奏施行伏候指揮  
... 還劄子

... 劄子伏覩指揮應命官凡經臣僚論列者並合

... 昨自寶祐乙卯之冬因有先祖卜葬事

... 擅出關之罰得 旨寔著作新命後

之者未應元也丙辰之冬有排斥三學之士者某偶前

與曾唯為文字交遂坐不合與太學主交之罰得

旨寔寧國新命劾之者吳衍也景定庚申之夏以輪對不

能盡言陳寅彈之得 旨予在外差遣未幾以有官人不

合作館事林光世擊之得 旨予積積是四非無非自取

其惟聖賢不責人以無過而許人之改過聖君賢相千載

一遇此而不言是自棄於大造之外欲乞公朝特賜敷奏

將前項特與改正過名理還元斷月日伏候指揮

辭免司封

其官方某狀照對某伏准尚書省劄子備奉 聖旨除司

封郎官某自揆不才合具辭免者伏以井闈無聞久處泥

塗之蟄乾龍有造忽聞雨露之仁其得若驚以感而涕伏

念某素行乎患難自墮於迂愚不圖橐籥噓吸於天地肅

載之間欲使為甲萌折於瓦石覆壓之下其雖無他技而



善自知敢以庸才冒居清選輒裁免橫仰告 朝廷伏乞  
卑矜持賜敷奏彙征聞 亦倘不忍一物枝葉之枯自養曰  
頤頤少給勺水單瓢之祿禱祈懔懇跼跼伏候指揮  
辭兼直舍人院奏

具官臣方某狀奏右某今月十三日茶准省劄備奉  
聖旨方某兼直舍人院日下供職者伏以菲材僥倖濫分  
主爵之曹誤渥光榮俾涉代言之筆鼎承天寵震惕冰衷  
臣切惟內史贊書之司實為文士清選之極必有渾厚尔  
雅之體然後可以潤色國典必有激昂婉切之功然後可  
以感發人心必揮翰如飛然後可以備緩急之辭命必鴻

泉不竭然後可以應填委之文書夫豈庸才可當是選切  
念臣荒疎學術淺涸辭源郎園方懼於素冷詞掖豈容於  
越俎王言之制有七所未討論舍人之樣有三其何稱塞  
恐慚 帝制祇速吏訶仰望 聖慈俯矜愚悃不嫌反汗  
收回成命之頒特許循牆別選時髦之任籲天懔懇伏地  
兢兢所有前項恩命臣未敢祇受謹錄奏聞伏候  
教旨

辭兼直舍人院劄子

伏以綸闈地峻顧越矧以難堪黼袞天高雖循牆而未許  
敢荐陳於愚撲祈轉徹於穹窿伏念某受才既凡種學尤



淺以寒苦而粗為文字處孤陋而實寡見聞孤陋見聞固未習 朝廷之典故寒苦文字豈足代 皇王之訓辭曰 居是官必忝於位輒成免積仰告公朝欲乞畀矜特賜 奏澳馬廷驪倘無銷印之嫌屬之時髦方稱如綸之任懷 所切切跼蹐皇皇所有恩命未敢祗受伏候指揮

辭起居舍人奏

具官臣方某狀奏右臣今月十七日伏唯省劄三省同奉 御筆除臣起居舍人兼職依舊者伏以龍御正中言動則 書于史螭分左右記註必惟其人安有非才可當是選但 覺震躬而兢兢不知渙汗之皇皇伏念臣孤遠之踪空疎

之器惟空疎則學問不足以該臺閣之典故惟孤遠則名 實不足以孚上下之聽聞以名實未孚之人而職簡書且 能信乎後世以學問不該之士而立殿陛安能沃於君心 而况濟濟周行藹藹君子苟自知非佚孤之選而不遜于 變龍之賢必至曠官反以違戾伏望 皇帝陛下察其安 分矜其不能更畀時耄倘許緇衣之改收回成命何嫌刻 印之銷所有恩命臣未敢祗受謹錄奏聞伏候 勅旨

辭起居舍人劄子

伏以才非孤佚何敢班二史之清身際唐虞未許為九官 之遜以感動之忱弗至宜呼籲之請莫俞匪告公朝焉回



宸聽政厯陳其梗梗與轉徹於高高切原古者設官之曰  
曷寘君舉必言之職蓋以人主一言之善否實關天下萬  
世之安危所以選端良之人執簡在後庶幾處富貴之地  
非道不行以是官所係之匪輕雖先王猶懼其弗克  
之有此命且必詣宰相而力辭必之之除是官猶自乞  
皇帝之改授苟以謏才而不自揆言居古人所不敢為  
此敗官何所逃罪伏望公朝察其非據許以奏聞言出  
綸倘可惟行而惟反衣猶在笥何嫌改造而改為所有  
恩命未敢祗受伏候拍揮

討信州閔軍待罪劄

具官方某照得比歲以來兵驕易闕不勇於禦亂而勇於  
為亂所資以衛民而反以害民然桀悍難制惟信為甚某  
蒙恩予節職在澄清昨入境之初據信州公申本州軍人  
以支米作閔事繼得之諮詢咸謂郡糾遭其凌辱非小郡  
僚雖微然其損一郡之體者甚大即欲誅鋤一二首惡少  
正軍律蓋以事體關係者重所以遲遲而未敢輕於一發  
自此恭橫愈甚夏稅場棟子州郡已差人許福等又欲別  
差一吏州郡不聽遂挾眾喧譟以請州郡遂俛從之乃七  
月內州郡以獄劄行刑而許福等以不用軍劄遂集眾持  
杖拽街搜捉獄級擒至郡廳必欲行法州郡不聽此曹又



輒喧譟州郡又俛從之竊惟信之卒伍肆驕其所由來漸矣郡守低首喪氣為其挾制郡民吞聲茹苦為其凌暴已半年于茲比者殿司軍將官提兵自信經過此曹生心衷甲腰刀呼儔集衆復謀為變闔郡惶惶中夜束擔出郊以避禍以信之去天密邇軍兵干紀一至于此下無州郡上慢朝廷是可忍也孰不可忍也本司近以秋試因密切調遣諸寨寨兵入城為護試之舉陰為戢亂之圖帖上饒縣令程從事應新護州印牒差擬迪功郎兼本司僉廳何惠生以捕偽開會為名同共合謀今月二十九日早據擬迪功郎本司兼僉何惠生同上饒縣令程應新申已於本月二十六日早擒獲為首人許福等八名斬首示衆掘傍曉諭軍民各已平定外無非仰藉國之威靈幸而集事少洗積年驕橫之風少正兵律抑亦可銷變於將來也所有調遣用命服勞一行入別具姓名開申乞賜推賞所有不合專擅調兵及專行誅戮一節謹席葉俟罪外伏候指揮

乞與共討信州閩軍有功者轉官推賞

具官方某狀竊惟漢人有言曰有功不賞有罪不誅雖堯舜不能以化天下信州閩軍其罪當誅久矣某自到任已來日夜圖之而未有一可任事之人方欲以兵取之則本



三無兵之可調方欲乞兵於朝廷則此等狗鼠何足上勞君相之慮環視精選得一有用之材曰後事即上饒縣令程應新然彼方為縣令其勢不足以運掉一州也而其於是委之攝行州事旁搜遠取又得一可與共功名之士曰擬迪功郎何惠生然彼方為士其位未足行事也其於是留之本司僉悞其不知者以為過客也使之以過客為名館于信州者屢月以盡察諸軍之情偽盡得閩卒之姓名盡識諸卒之面目其黨與探之試之離之間之結之收之往反圖為至于十數所與共謀者饒程令也乃者八月秋試士人喧雜於是借科舉之名密調諸寨精銳頓

之棘外而選彼黨之強壯者收之棘內然後謀取其宗首而鐵之彼八兇者誘而致之數處同時下手一朝擒之頃刻之間皆就誅斬急張旗榜以壓衆心軍民按堵如故合城內外不驚一塵所調捕兵不傷一卒實縣令程應新與迪功郎何惠生之功也斯二人者使其一為見任守巨一為見任僉悞皆不當言賞蓋本職公事也今程應新以選人縣令行郡守之事何惠生以江州進士任潛師之責其膽畧度越常人何以不動聲色不煩朝廷調兵收徒于縛虎之奇功其伏覩在法捕獲強盜選人改官白身補食今來二人之勞非止捕盜而已欲望公朝特賜敷奏待程



應新特與改合入官何惠生特補文資給迪功郎真命以  
為邊事赴功者之勸外有頭目用命立功人張濟為第一  
功王伯茂鄭榮次之若頭目以下則排軍璩遷藍安詹寶  
汪福余正陳福秦明徐強余寶及百姓吳龍吉軍兵吳強  
郭茂余照二楊旺洪貴張玘曹先程先璩元等凡壹百餘  
人內頭目立功張濟本司已於信州見管進武校尉綾紙  
內書填一本給付張濟充賞外其餘並合厚支犒賞欲乞  
朝廷割下信州於有管官錢一切支行庶幾賞不踰時則  
三軍感悅他日可以使人仍乞割下本司照應伏候指揮  
辭免誅勳開軍轉官

具官方某狀照對某今月十四日伏准省割以信州誅勳  
開軍事備奉 聖旨方某運謀集事與轉一官某切惟百  
官有司各有所職曠職分之當為者因不逃司敗之刑為  
職分之當為者亦無受賞之理蓋某之事與程應新何惠  
生不同也若使程應新為見任守臣何惠生為有官僉  
亦不當言賞惟以其選人縣令而行郡守之事進士僉  
而任潛師之托是以可嘉若某則為所當為僅可逃司敗  
之刑而已今公朝賞不踰時以為厲世磨鈍之具因眾人  
而及其焉若某以本職公事而受賞則是僥倖而冒功  
鍾無耻人謂某何所有上件 恩命不敢祗受欲望公



特賜敷奏收回成命庶幾小臣得安分守伏候指揮

江東提刑一考丐祠劄

具官方某伏照對某伏准咸淳三年二月省劄授前件差遣某即於當年四月二十五日入江東境交割本司職事越今年四月二十四日書一考某竊惟荀卿之書以禮送為偽衛風之詩以素飡為非荀以荀卿之言為撫而犯衛風之刺則為頑鈍無耻之士伏念某學未語上才不選干冒乘使者車而行外司寇之事雖小大之獄必以情而疑訟未能無訟雖得其情哀矜勿喜而因中未能惟中聖人之言暮月而可今某試之苾羊而風俗未能變化因固未

事空垂弗請因功孰大於此所以未即司敗之罰者

三賢正三不來備于夫以某是用不敢犯素飡之譏而

之偏遜之德伏望公朝特賜敷奏姑畀祠廩使某以自量之心而為自全之地實拜天覆地載之造伏候指揮

辭免江西轉運副使

具官方某伏照對今月二十一日伏准省劄備奉

聖旨某休養職除江西計度轉運副使某聞命震驚懼益

三喜某竊惟小器受大任昔有顛覆之虞一命至再命者

三三滿之懼某一介不才濫叨皇華之遣司臬江左凜凜

三庚乃夏三月既叨進職之恩今甫半暮又叨改撤之命



皇之將濟一而非但小器受大有顛覆之虞而一命至再  
之有盈而之博所合具申公朝乞賜敷奏改畀時髦庶安  
德分以候指揮

溪峰集卷之一